

# ETXE-ASEGURUAREN AURREKONTUA EGIN DUTEN BEZEROEN ARTEKO ZOZKETAREN OINARRIAK 2022KO IRAILEKO ASEGURU-KANPAINA

---

## 1.- Erakunde antolatzailea eta saria

Caja Laboral Popular Coop. de Cr ditok —aurrerantzean LABORAL Kutxa—, helbidea Arrasaten (Gipuzkoan) —Jose Maria Arizmendiarieta, zk.g., 20500 duenak, sustapena xede duen nazio-mailako ZOZKETA bat antolatu du, etxe-aseguruen tarifakazioa sustatzeko bai bulegoetan bai onlineko kanalean.

Parte-hartzaileek 18 urte baino gehiago izan behar dituzte, 5. Atalean, «Parte-hartzaileak» izenekoan, jasotakoaren arabera.

## 2.- Zozketaren esparrua eta doakotasuna

Zozketa hau 1991ko azaroaren 8ko 4/1991 Legeak, Euskal Autonomia Erkidegoan jokia arautzen duenak, ezarritakoari jarraikiz antolatu da, eta doakoa eta borondatezkoa izango da. Hortaz, saria eskuratu ahal izateko ez da kuota edo kopuru gehigarririk ordaindu beharko.

## 3.- Zozketaren xedea eta prozedura

Zozketa bat (1) egingo da, eta honako hauek izango dira sariak: **1.500 euroko sari bat, irabazleari berak aukeratutako kontuan ordainduko zaiona, eta 100 euroko 10 sari, irabazleei eurek aukeratutako kontuetan ordainduko zaizkienak.**

Zozketan parte hartzeko, erabiltzaileek baldintza hauek bete behar dituzte eta jarraian adierazten diren ekintzak egin:

- 18 gorako pertsona fisiko guztiek hartuko dute parte zozketan, baldin eta Seguros Lagun Aroren etxe-aseguru baten aurrekontua egiten eta gordetzen badute, LABORAL Kutxaren edozein kanalen bidez, 2022ko irailaren 12tik abenduaren 31ra bitartean. Pertsona bakoitzak partaidetza bakar bat izan dezake.
- Sariaren zenbatekoa zehazteko, kontuan hartuko da azken 12 hilabeteetako hornikuntza-puntu bakar baten kontsumoa, urtebeteko doako kontsumoaren sariaren kasuan, eta zozketaren aurreko hilabeteko kontsumoa, hilabeteko doako kontsumoaren sariaren kasuan.
- Irabazleak saria onartzen badu, LABORAL Kutxak eskubidea izango du haren izena eta saria ematean ateratako argazkiak (baldin badaude) LABORAL Kutxak egoki deritzen baliabide telematiko edo inprimatuetan argitaratzeko, zozketaren emaitzaren berri emateko.

## 4.- Iraupena eta eremua

Jarduera hau Espainiako lurraldean gauzatuko da. Zozketan parte hartzeko epea 2022ko irailaren 12tik 2022ko abenduaren 31ra bitartekoa izango da, biak barne.

## 5.- Parte-hartzaileak

Honako hauek hartu ahal izango dute parte zozketan: Espainian bizi diren 18 urtetik gorako pertsona fisikoek, baldin eta Seguros Lagun Aroren etxe-aseguru baten aurrekontua egiten eta gordetzen badute, LABORAL Kutxaren edozein kanalen bidez, 2022ko irailaren 12tik abenduaren 31ra bitartean.

Zozketatik kanpo geratuko dira LABORAL Kutxako langileak, baita taldeko, partaidetzapeko eta antzeko sozietateetako langileak eta zozketarekin zuzeneko lotura duten pertsonak ere.

# ETXE-ASEGURUAREN AURREKONTUA EGIN DUTEN BEZEROEN ARTEKO ZOZKETAREN OINARRIAK 2022KO IRAILEKO ASEGURU-KANPAINA

---

## 6.- Irabazlea eta ordezkioak aukeratzea eta saria jakinaraztea eta ematea

3. atalean zehaztutako sariaren zozketa 2023ko urtarrilaren 3an egingo da, ausazko sistema informatiko baten bidez. Bidezko arrazoiren batengatik egun horretan ezin bada zozketa egin, hurrengo egun baliodunean egingo da. Irabazleak, saria jasotzeko eskubidea izatekotan, egunean eta positiboan izan beharko ditu entitatearekin kontrataturiko produktuak edo zerbitzuak eta harreman ekonomikoa. Ez baditu aipaturiko baldintzak betetzen, galdu egingo du saria jasotzeko eskubidea, eta zozketaren arabera dagoen ordezkioari emango zaio. Saria onartzen duen ala ez jakinarazi beharko dio saridunak LABORAL Kutxari, telefonoz, posta elektronikoz edo bulego batean sinatutako hartu-agiriaren bidez, saria argitaratzen edo jakinarazten den datatik gehienez egun natural bateko (1) epean. Parte-hartzaileak sariari uko egiten badio, edo berarekin harremanetan jartzerik ez badago, ez du inolako ordainik jasotzeko eskubiderik izango. Pertsona saridunak sariari uko egiten badio, berarekin harremanetan jartzerik ez badago edo lehenago azaldutako baimena ematen ez badu, saria ordezkioen zerrendako lehen postuan dagoenari esleituko zaio, zozketan parte hartzeko ordena errespetatuz. Saridunak ezingo du sari horren ordezkio beste bat eskatu. Sariduna saria jaso aurretik hiltzen bada, helburu horrekin berariaz aukeratutako ordezkioari emango zaio.

## 7.- Sariaren zerga-sistema

Zozketa honetako sariak zerga-tratamendu hau izango du: Pertsona Fisikoen Errentaren gaineko Zergari buruzko 35/2006 Legean, 439/2007 Errege Dekretuan eta kasuan kasuko PFEZren inguruko zerga-araudian aurreikusitakoa. LABORAL Kutxak ordainduko du sariari aplikatuko zaion zerga-atxikipearen zenbatekoa. Era berean, LABORAL Kutxak bere gain hartuko ditu Zerga Administrazioaren aurrean dagozkion informazio-betebeharrak.

## 8.- Iruzkinak edo iritziak argitaratzea

Ez da onartuko iruzkin edo iritzirik, horien edukia desagokitzat jotzen bada, iraingarriak, laidogarriak edo diskriminatzaileak badira, edo hirugarrenen eskubideak urra baditzakete. Era berean, ez da onartuko pertsona baten aurkako iruzkinik, baldin eta ohorerako, norberaren eta familiaren intimitaterako eta norberaren irudirako eskubidea urratzen badu. LABORAL Kutxak ez du bere gain hartuko inolako erantzukizunik parte-hartzaileek zozketan egiten dituzten iruzkinak beste parte-hartzaile batzuen sentzibilitatea mintzearen ondoriozko kalteengatik.

## 9.- Erreserbak eta mugak

Iruzurra egin dela ulertuko da kasu hauetan, baina ez horietan bakarrik: webgunearekin zerikusirik ez duten aplikazioen balizko erabilera detektatzen bada, zerbitzariari gehiegizko kontsulta-kopurua egiten bazaio eta itxuraz gehiegizkoak edo asmo txarrekoak diren portaerak antzematen badira. Zozketan zehar aipatutako egoeraren bat egiaztatzen bada, parte-hartzailea zozketatik kanpo geratuko da zuzenean, eta, saria eman bazaio, galdu egingo du. LABORAL Kutxak ez du bere gain hartuko inolako erantzukizunik, saridunek emandako datuetan akatsen bat badago eta horrek haien identifikazioa galarazten badu. LABORAL Kutxak ez du inolako erantzukizunik izango, saria ematean edo erabiltzean gertatzen diren gorabeheren ondorioz, ezta berari ez dagozkion arrazoiengatik parte-hartzaileak saria jasotzean gertatzen diren atzerapen edo hutsegiteen ondorioz ere. Pertsonaren batek zozketaren manipulaziotzat edo faltsifikaziotzat har litekeen edozein egintza egiten badu, LABORAL Kutxak eskubidea izango du haren aurka ekintza judizialak abiarazteko. LABORAL Kutxak ez du bere gain hartuko inolako erantzukizunik, zozketan parte hartzeko erabiltzen diren zerbitzuak aldi batean erabiltzerik ez egotearen edo haien funtzionamendua eten izanaren, erabiltzaileek horiek iruzurrez erabiltzearen eta, bereziki baina ez eskusiboki, Internet bidez orrialdeetan sartzean eta parte hartzeko erantzunak bidaltzean izandako akatsen ondorioz gertatzen diren kalte-galerengatik. LABORAL Kutxak eskubidea izango du zozketaren xede onerako aldaketak egiteko, horretarako bidezko arrazoiak daudenean edo zozketa oinarri hauetan

# ETXE-ASEGURUAREN AURREKONTUA EGIN DUTEN BEZEROEN ARTEKO ZOZKETAREN OINARRIAK 2022KO IRAILEKO ASEGURU-KANPAINA

---

jasotzen den moduan burutzea galarazten duten ezinbesteko arrazoiak daudenean. LABORAL Kutxak eskubidea izango du zozketaren iraunaldia luzatzeko edo geroratzeko, baita lege-oinarri hauek interpretatzeko ere. Halaber, enpresa antolatzaileak ez du inolako erantzukizunik bere gain hartuko, aipatutako kasuetako bat gertatzen bada edo saria baliatzean kalte-galeraren bat suertatzen bada.

## 10.- Datuen babesa

Datuen tratamenduaz LABORAL Kutxa arduratuko da (IFZ: F-75076935; egoitza soziala: Jose Maria Arizmendiarieta, zk.g., 20500, Arrasate, Gipuzkoa). Parte-hartzaileak lege-oinarri hauek onartzen baditu, ulertuko da badakiela LABORAL Kutxak tratatu egingo dituela lehiaketa honetan parte hartzeko emandako datu pertsonalak, batetik zozketako parte-hartzea tramitatzeko, bestetik irabazlea izanez gero sariaren berri emateko eta, azkenik, saridunaren izena eta/edo irudia argitaratu, erreproduzitu eta hedatzeko, LABORAL Kutxak egoki deritzen bitarteko, euskarri eta formatuen bidez (hala nola, adibide gisa baina inolako mugarik gabe, prentsaren, irratia, telebistaren, Interneten eta abarren bidez), datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko 2016ko apirilaren 27ko 2016/679 EB Erregelamenduan eta Datu Pertsonalak Babesteko eta Eskubide Digitalak Bermatzeko 2018ko abenduaren 5eko 3/2018 Lege Organikoan xedatutakoaren arabera. Jarduera horiek ez dute ordainik edo onurarik jasotzeko inolako eskubiderik emango. Datuak ikusteko, zuzentzeko, ezerezteko eta aurka egiteko eskubideak eta, era berean, datuen tratamendua mugatzeko eta beste leku batera eramateko eskubideak erabili ahal izango ditu parte-hartzaileak. Horretarako, bere nortasuna egiaztatuz (NANaren edo horren pareko agiri baten bidez) [protecciondatos@laboralkutxa.com](mailto:protecciondatos@laboralkutxa.com) helbide elektronikora idatzi beharko du, edo, bestela, ohiko postaren bidez, helbide honetara jo: CAJA LABORAL POPULAR COOP. DE CRÉDITO, Jose Maria Arizmendiarieta, zk.g., 20500, Arrasate, Gipuzkoa. Bezeroen Datu Pertsonalak Babesteko Politika osoa hemen irakur daiteke: <https://www.laboralkutxa.com/eu/datuen-babesa>.

## 11.- Oinarriak onartzea

Zozketan parte hartzeak berekin dakar oinarri hauek onartzea. Beraz, parte-hartzaileak adierazten badu oinarri hauek guztiak edo batzuk ez dituela onartzen, zozketatik kanpo geratuko da. Ondorioz, LABORAL Kutxak ez du parte-hartzaile horrekin hartutako obligazioa bete beharko. Oinarri hauek [www.laboralkutxa.eus](http://www.laboralkutxa.eus) webgunean kontsulta daitezke.

## 12.- Legeria aplikagarria eta jurisdikzioa

Lege-oinarri hauek Espainiako legearen arabera arautuko dira. Bergarako epaitegi eta auzitegiek izango dute eskumena oinarri hauen baliozkotasunaren, interpretazioaren edo betetzearen inguruan sor litezkeen erreklamazioak edo ezadostasunak ebazteko.